

ANM(T)81/10/6/10/Jld.4(25)

Semua Ketua Setiausaha Kementerian

Semua Ketua Jabatan Persekutuan

Ketua Polis Negara Bahagian Kewangan

Pengarah Jabatanarah Urusan Gaji Angkatan Tentera (UGAT)

Semua Ketua Perwakilan Luar Negeri

Semua Ketua Akauntan Jabatan Mengakaun Sendiri

Semua Pengarah Cawangan Jabatan Akauntan Negara

Semua Pusat Gaji



**KERAJAAN MALAYSIA**

**SURAT PEKELILING AKAUNTAN NEGARA MALAYSIA  
BILANGAN 5 TAHUN 2005**

**PERATURAN PEMBAYARAN IMBUHAN TAHUNAN DAN BAYARAN KHAS  
PRESTASI KEPADA ANGGOTA PERKHIDMATAN AWAM PERSEKUTUAN  
BAGI TAHUN 2005**

**1. TUJUAN**

- 1.1. Surat Pekeliling ini adalah bertujuan untuk menetapkan peraturan pembayaran berikut:-
  - i) Imbuan Tahunan kepada anggota dalam Kumpulan Pengurusan dan Profesional serta Kumpulan Sokongan; dan
  - ii) Bayaran Khas Prestasi kepada anggota dalam Kumpulan Pengurusan Tertinggi.
- 1.2. Pekeliling ini hendaklah dibaca bersamaan dengan Pekeliling Perkhidmatan Bilangan 25 Tahun 2005.

## 2. ASAS PERKIRAAN IMBUHAN/BAYARAN KHAS PRESTASI

- 2.1. Kadar Imbuan Tahunan dan Bayaran Khas Prestasi yang perlu dibayar hendaklah dikira berasaskan kepada gaji pokok (termasuk elaun memangku) bagi bulan **Oktober 2005** kecuali pegawai yang tidak lagi berkhidmat pada bulan Oktober 2005, perkiraan adalah berdasarkan kepada gaji pokok terakhir.
- 2.2. Kadar Imbuan Tahunan telah ditetapkan seperti berikut:-
  - i.) **1 ½ bulan gaji** bagi anggota yang mana gaji bulanannya sehingga RM1,000.00; dan
  - ii.) **1 bulan gaji** atau sekurang-kurangnya **RM1,500.00** bagi anggota yang mana gaji bulanannya melebihi RM1,000.00.
- 2.3. Kadar Bayaran Khas Prestasi telah ditetapkan sebagai **1 bulan gaji**.

## 3. PERATURAN PELAKSANAAN PEMBAYARAN IMBUHAN/BAYARAN KHAS PRESTASI

- 3.1. Pembayaran Imbuan Tahunan dan Bayaran Khas Prestasi akan dibuat **separuh** bersamaan gaji bulan **Oktober 2005** dan separuh lagi bersamaan gaji bulan **November 2005**. Dalam membuat pembayaran ini, peraturan-peraturan berikut perlu dipatuhi:-

### 3.1.1. Cukai Pendapatan

Cukai pendapatan tidak dipotong dari amaun Imbuan/Bayaran Khas Prestasi yang hendak dibayar, tetapi Imbuan/Bayaran Khas Prestasi tersebut akan diambilkira dalam Penyata Pendapatan Tahunan untuk tujuan penaksiran cukai pendapatan. Anggota Perkhidmatan Awam digalakkan untuk menjelaskan sendiri cukai pendapatan berkenaan berdasarkan kepada Jadual (Kaedah 3) Potongan Cukai Bulanan Lembaga Hasil Dalam Negeri.

### 3.1.2. Potongan Kumpulan Wang Simpanan Pekerja (KWSP)

Di bawah tafsiran 'upah' dalam seksyen 2, Akta KWSP 1991, Imbuan/Bayaran Khas Prestasi ini adalah dikenakan caruman KWSP. Potongan caruman pekerja dan bayaran caruman majikan perlu dibuat dengan sewajarnya.

### 3.1.3. Bayaran bagi anggota di bawah Sistem Gaji Berkomputer

Bagi Anggota Perkhidmatan Awam di mana gajinya dibayar melalui Sistem Gaji Berkomputer perkara berikut hendaklah diambil maklum:-

- i) Penyata Perubahan (Kew. 8) tidak perlu disediakan. Pejabat Perakaunan (cawangan-cawangan Jabatan Akauntan Negara Malaysia dan Jabatan Mengakaun Sendiri) akan mengeluarkan **Laporan R620A** sebagai menggantikan Penyata Perubahan

untuk bayaran yang pertama dan **Laporan R620B** untuk bayaran yang kedua.

- ii) Kementerian/Jabatan hendaklah **menyemak** amaun Imbuhan/Bayaran Khas Prestasi yang dibayar seperti di dalam **Laporan R620A dan Laporan R620B** terutama sekali mereka yang tidak layak menerimanya dan mereka yang hanya layak menerimanya secara "*proportionate*" seperti yang tersebut di dalam Pekeliling Perkhidmatan Bilangan 25 Tahun 2005. Laporan R620A dan Laporan R620B yang dicetak adalah berdasarkan gaji bulan Oktober 2005. Adalah menjadi tanggungjawab Jabatan mengutip semula atau memotong daripada gaji bulan berikut amaun yang tidak layak diterima oleh seseorang Anggota Perkhidmatan Awam.

#### **3.1.4. Dokumen Sokongan Untuk Baucar Berasingan**

Bagi Imbuhan/Bayaran Khas Prestasi yang dibayar melalui baucar berasingan, Penyata Perubahan (Kew. 8) hendaklah disediakan bagi pegawai tetap, sangkut, sementara dan kontrek.

#### **3.1.5. Pelarasan untuk Imbuhan/Bayaran Khas Prestasi**

Pelarasan yang sewajarnya jika perlu hendaklah dibuat oleh Kementerian/Jabatan/Agensi Kerajaan.

#### **3.1.6. Kod Urusniaga**

Kod-kod urusniaga yang perlu digunakan adalah seperti berikut:-

<u>KOD</u>	<u>KOD</u>	<u>PERIHAL KOD ELAUN</u>
<u>SODO</u>	<u>ELAUN</u>	
15103	0028	Imbuhan Tahunan Kakitangan Awam
15204	0029	Imbuhan Tahunan Pasukan Keselamatan
29304	0030	Imbuhan Tahunan Pekerja Sementara Dan Sambilan Yang Tidak Menyandang Jawatan Tetap
15105	0034	Bayaran Khas Prestasi Jawatan Utama
15205	0035	Bayaran Khas Prestasi Pasukan Keselamatan
15103	0091	Pelarasan Imbuhan Tahunan Kakitangan Awam
15204	0093	Pelarasan Imbuhan Tahunan Pasukan Keselamatan
15105	0092	Pelarasan Bayaran Khas Prestasi Jawatan Utama
15205	0094	Pelarasan Bayaran Khas Prestasi Pasukan Keselamatan



- 3.2. Pembayaran Imbuhan/Bayaran Khas Prestasi ini adalah menjadi tanggungan pejabat baru di mana pegawai ditempatkan. Walau bagaimanapun untuk Anggota Perkhidmatan Awam di mana gajinya dibayar melalui Sistem Gaji Berkomputer dan gaji mereka masih dibayar oleh pejabat lama untuk gaji bulan Oktober atau November 2005, maka Imbuhan/Bayaran Khas Prestasi dibayar di pejabat lama tersebut. Tetapi sekiranya Imbuhan/Bayaran Khas Prestasi ini tertinggal disediakan oleh pejabat lama, maka pejabat baru hendaklah menyediakan Imbuhan/Bayaran Khas Prestasi secara baucar berasingan.

**4. PERUNTUKAN UNTUK MEMBAYAR IMBUHAN/BAYARAN KHAS PRESTASI**

- 4.1. Kementerian/Jabatan/Agensi Kerajaan hendaklah membayar Imbuhan dan Bayaran Khas Prestasi ini daripada peruntukan tahun semasa yang sedia ada. Sekiranya peruntukan ini tidak mencukupi, permohonan peruntukan tambahan hendaklah dibuat kepada Perbendaharaan.

Sekian, terima kasih.

**“BERKHIDMAT UNTUK NEGARA”**



**(MOHD. SALLEH BIN MAHMUD)**

**Akauntan Negara Malaysia.**

12 Oktober 2005

- s.k.
1. Ketua Audit Negara.
  2. Semua Pegawai Kewangan Negeri.
  3. Semua Akauntan/Bendahari Negeri.
  4. Semua Pengurus Badan-badan Berkanun Persekutuan/Negeri.
  5. Semua Pengurus Pihak Berkuasa Tempatan.
  6. Ketua Eksekutif, Lembaga Hasil Dalam Negeri.
  7. Pengurus Besar KWSP.